

БАТЫРЫМЫЗДЫ МАҚТАН ТҰТАМЫЗ

Қыдырәлі Раимбердиев М.Әуезов атындағы Оңтүстік Қазақстан университеті әскери кафедрасының аға оқытушы запастағы подполковник - Ауған соғысының ардагері. Кеңес әскерлерінің Ауғанстан территориясынан шығарылғанына 35 жыл толуына орай кафедра ұжымы «Ерлік сабағын» ұйымдастырып, студенттер алдында батырға құрмет көрсетті.

Әскери кафедраның бас-тығы полковник Жақып Кенжебаев өз сөзінде жас-тарға ауған соғысының та-рихынан мағлұмат беріп, ар-дагердің өмірбаянына тоқ-талды.

Қыдырәлі Раимбердиев 1981 жылы мектепті бітіріп, Ташкент жоғары әскери училищесіне оқуға түс-кен. Оқу орнын 1985 жылы бітіріп, лейтенант шенін алып, Кеңес одағының Қор-ғаныс министрінің бұйры-ғымен Кавказ әскери округі әскери бөлімінің танк взво-дына командир болып таға-йындалған.

1986 жылы тамыз айында сол әскери бөлімнен Ауған Демократиялық Республика-сына қызметке жіберілген. 201-мотоатқыштар дивизия-сында 122-мотоатқыштар


полкінің танк батальонының 3-ротасының 1-ші танк вз-водының командирі лауа-зымына тағайындалды. Қы-дырәлі Раимбердиев басшы-лық еткен танк взводының міндеті Айбак -- Поли-Хумри бағытында 50-60 шақырым жолды, сол жолдан өтетін колонналарды қорғау, «Ай-бак -- Кабул» құбыр магист-ралін қорғау болған.

-- Кабулға 1986 жылы та-мыз айында бардық. Ми қай-натар ыстық. Ұшақтан түс-кен сәтте шынайы соғыс-қа түскенімді сезіндім. Дәл төбемде ұшақтар, тікұшақ-тар ұшып жүрді. Сарбаздар-дың бет-бейнесіне, киімі мен қару жарақтарына қа-рап шайқастың ортасында жүргенімді түсіндім. Бұл жағдай менің психологияма қатты әсер етті» - дейді өт-

кенін еске алған Қыдырәлі Раимбердиев.

1986-1988 жылдары ол өз взводымен бірнеше рет Баг-лан, Айбак, Құндыз провин-цияларындағы қышпақтар-ды талибандардан қорғау операцияларына қатысқан. 1988 жылы ол Өзбекстан-ның Термез қаласына әске-ри қызметті жалғастыруға жіберіледі. Әскери бөлімде рота командирі, батальон командирінің орынбасары қызметін атқарған.

Қыдырәлі Раимбер-диевтің ұлы Мадияр да әке жолын қуып, әскери қыз-метті таңдаған. ҚР Қорға-ныс министрілігінің С. Нұр-мағанбетов атындағы Құр-лық әскерлері институтын үздік бітіріп, қазіргі таңда капитан шенінде қарулы күштер қатарында қызмет



Суретте запастағы подполковник Қыдырәлі Раимбердиев

етуде. Біз, әскери кафедра ұжымы, Қыдырәлі Раимбер-диевтей батыр ұлмен қыз-меттес боп жүргенімізді мақтан етеміз. Отан үшін от кешкен осындай азамат-тардың ерлігін кейінгі ұр-паққа дәріптеу біздің мін-детіміз.

**Нұрмамет ӘЛИЕВ
М.Әуезов атындағы
ОҚУ әскери
кафедрасының
аға оқытушысы,
запастағы полковник**